

abwärts durch Zell vnd Fleisch treibet/ vnd man wil sie durch Aderlassen wider zu rück/ welches doch fast vnmöglich ist/ in Leib ziehen. Darumb ist kein Wunder/ wenn es mit solchen Krancken nachmals erger wird/ besonders so kalter Natur vnd Complexion sind: Denn so man das Blut also vnbesonnen verschwendet/ wird der Leib viel mehr erkaltet/ vnd müssen die kalten Podagrischen Feuchten hernach heufftiger fallen/ vnd die Kranckheit vermehren.

Derwegen sol man in dieser Artz des Zipperleins / das von Kälte vnd kalter Feuchtung allein entspringet / Aderlassen ganz vnd gar einstellen / an statt desselben die Ventosen mit verletzung der Haut/ wie droben gemeldet / am Rücken / vnd unten an den beyden grossen Behen Monatlich/ oder alle acht Wochen/ ein Tag zweene oder drey vor dem neuen Liecht gebrauchen.

Doch sol ihm keiner die Gedancken machen/ das dieses Mittel allein genugsam sey der Beschwerung abzuheiffen: Denn es werden darneben erfordert Purgationes/  
 nicht